

大哀經



百二  
發一

47786



元祿九年丙子二月日重脩

皇圖聖業 固 帝 曆 綴 昌

佛日增輝 懋 輪 常 轉

山城州天安寺法金剛院置





大哀經卷第一

西晉元康年三藏竺法護譯

莊嚴大會法典品第一



聞如是一時佛在王舍城靈鷲山古昔諸佛之所遊居如來威神之所建立其地道場諸菩薩衆所共咨嗟無極法座天龍鬼神犍沓和等咸俱歸命稽首爲禮而於佛土宣暢德本如來威炎慕樂法門菩薩神昉等入無量無限功德如來所行成等正覺轉妙法輪爲極元首善宣開化於一切法而得自在所度無極明曉衆生志性所趣覩其諸根便度彼岸曉了一切蠲除罣礙諸所止處爲作佛事

發



而無俗業堅任於行莫能當者大比丘衆六  
百萬人一切仁黜滅除塵垢無衆蔽礙則爲  
如來法王之子行深妙法其所由生不從顛  
倒柔輒和雅威儀禮節而皆備悉爲大衆祐  
如來之道而得親近諸菩薩衆不可稱計行  
無罣礙決了著智諸通敏慧又諸大菩薩大  
慈大哀興布法雲而演電黜爲雨甘露飽滿  
衆生久遠飢渴等心一切執志如地諸所妄  
想倚著結縛皆已除棄熙隆弘恩道品之法  
三十有七猶如日殿聖慧之宮黜智光曜靡  
所不照滅大幽冥顯示世間指其道路宣其  
德本若如蓮華開闢之時枯竭恩愛志深澳



池興立正業具大神通遊於虛空譬如月宮  
照乎夜暗所可遊行等心衆生得其志性靡  
不欣悅善權方便有益無損至於道誼亦無  
增減普現所行志若須彌堅住不動常修梵  
行供養三寶於諸境界無能移轉過諸世間  
之所有法毀訾誹謗現於一切諸佛國土而  
現親厚神曜遠照志如大海其器廣大盛滿  
法水修菩薩行一切衆生之所宗戴猶如師  
子君主最尊奉四聖諦懷於大悲心慕慈愍  
然後觀察所察普顯於深妙法而無所畏壞  
諸外道於無央數百千諸劫究竟無底其若  
菩薩行不以懈倦一切諸德悉已具足其名

曰普觀見無盡菩薩皆觀諸國莊嚴徧現菩薩如來種性成就無退菩薩威儀化衆示無瞋恚菩薩無量辯才幢英變音菩薩積累清淨金炁威神王菩薩分別炁明辯解散句菩薩生無量福積累執業菩薩如是等類無數菩薩於是世尊頒宣法門名曰生諸菩薩佛成正覺時十六年見諸梵行普皆興盛覩諸菩薩咸來集會欲演如來諸持法藏而衆開士皆悉雲至佛自念言吾寧重增諸菩薩行使得將護興立道行曾有經典講無蓋門如來所爲無極變化爲諸菩薩大士之衆當今進入如來境界於時世尊以佛境界變現如



來三昧正受佛適以此佛境界變現定意正  
受衆祐聖旨上虛空中自然高座如三千大  
千佛士廣大高遠上至欲界及無色界悉佛  
正行如來功德之所興化諸菩薩衆性行清  
淨照於十方諸佛世界悅可無量衆生意行  
一切諸天龍神宮殿靡不照曜請召十方諸  
菩薩等咨嗟無量名德之稱悉坐無數重閣  
交露或有紫金以爲牆壁吉祥藏寶以爲軒  
牕以馬腦寶而作戶牖明月藏寶以爲欄楯  
離垢炁寶以爲戶扇以普明寶而爲重閣一  
切衆寶而爲垣障垂諸貫珠豎衆幢幡而然  
錠鐫懸諸繒蓋上好栴檀而用堊塗異妙栴

檀可意衆香懷來越度海中名香而用然之  
龍所出寶若干種華而散其上衆寶之樹羅  
列而行諸寶香鑪巍巍微妙其所光飾普周  
十方諸佛世界清淨奇妙歡悅人心普悉現  
於高座之中其師子座不可稱數億百千姪  
而自然現高座璨麗廣長而峻衆所欽樂莫  
不欣慶此四大城所有部界則自然生四万  
宮殿而其甚高大又其欄楯高四丈九廣二十  
里以夜光珠離穢寶珠梵英寶珠懸在幡蓋  
而以紫金莊飾交露出自然音從地以上乃  
至高座又旣崇妙自然化成無有作者如是  
此四域所興變化三千大千世界亦復如是



諸有四域悉等無異。皆自然生無極宮殿。於  
時世尊安隱寂然。從三昧起。應時三千大千  
世界六返震動。其大光顯。靡所不照。佛與菩  
薩諸弟子衆眷屬圍遶。諸天在上歌詠功德。  
而雨衆華散諸天衣。覆蓋虛空。燒衆名香。箜  
篋樂器而自然鳴。十方佛國皆自然動。光照  
無量諸佛國。已佛大神足無極。變化境界無  
限。威神無際。聖光無邊。感動無底。於靈鷲山  
忽然不現。與大衆俱。諸天龍神犍杵和。阿湏  
倫迦留羅直陀羅摩睺勒侍從。世尊欲聽經  
法。又四天王與諸天俱見佛。世尊欲詣講堂  
於上叉手。雨諸天華供養大聖。以偈讚曰。

日月之威曜

明珠天炎暉

佛光悉蔽之

消滅三惡道

其明徧佛土

越須彌鐵圍

悉歸命最勝

咸各懷踊躍

時四天王從諸天人各以此偈讚世尊已欣

戴無量時天帝釋與忉利天見於大聖欲詣

大殿至高座所則施供養雨諸天香散于佛

上叉手以偈而歎頌曰

神足度無極

顯變化無等

現于億佛土

最勝日以出

降伏諸魔界

普德淨莊嚴

其神足自在

誓首無等倫

忉利諸天偈讚佛已侍從世尊

時須臾天王見佛欲詣宮殿佛高座所雨於



天衣叉手讚佛

安住慧無量

普知衆生性

無著如虛空

皆達三世事

一心入諸行

悉曉群生性

是故可奉敬

三世悉戴仰

時燄天王偈讚佛已侍從世尊

兜率天王與諸天俱見於世尊欲詣宮殿大

高座所雨天珍寶而供養佛叉手讚曰

宣暢於經議

觀如幻野馬

彼則無文字

何有意猶豫

興愍哀衆生

故佛讚尊法

歸知法自然

勝曉無吾我

時兜率天王偈讚佛已侍從世尊

無憍樂天王與諸天俱見於世尊欲詣宮殿

大高座所雨寶瓔珞供養上佛叉手讚曰

顯示于法身 十方如虛空 最勝現色像

愍哀而開化 宣法無有色 最勝行普平

禮法自然慧 明識一切議

無憍樂天以偈歎佛侍從世尊

化自在天與諸天人見於世尊欲詣宮殿講

堂高座雨天寶珠而供養佛叉手讚曰

禁戒離諸垢 則立於清淨 勸化甚高尊

定意不可動 智慧無等倫 如海無瞋恨

已度於終始 誓首得自在 神聖之足底

自然立相輪 顯修于慈哀 從本此為先

解脫三徑跡 誓首佛德行 則以慈哀故



增加以平等  
猶如蜂之王  
以頭腦誓首  
精進之勢力  
甚尊不可動  
智慧離垢穢  
咸共歸誓首  
其脫門之跡  
光明照十方  
覺了離垢穢  
何能有倫匹  
功勳甚衆多

以寂然爲華  
勸化諸眷屬  
善建立禁戒  
超殊無能逮  
愍哀爲清淨  
威明消闇冥  
則爲無極覺  
音暢於虛空  
衆生華百千  
誓首無所著  
求之於十方  
一切德備悉

解脫成其實  
安住如蓮華  
住於安諦地  
誓首正品類  
道場成光曜  
無數百衆生  
頭面禮大聖  
智慧馳懸遠  
令得解開敷  
察之無等倫  
導師不可逮  
吾今而咨嗟

其志無飽滿

阿湏倫諸龍

帝主所歸禮

無數諸天人

僉共歎其德

其所讚名稱

衆多難思議

舉譽禮世尊

功勳皆流布

化自在天偈讚佛已侍從世尊於時世尊則

以無量佛之境界感動變化爲百千天人所

共咨嗟詣寶高座時佛世尊適昇高座四域

宮殿悉知見之一切三千大千世界諸在四

域皆復如是悉知見之於時大聖坐於三千

寶護高座師子之牀諸菩薩衆及大弟子亦

復次坐於是大聖有三昧名無蓋法門娛樂

以此定意正受佛適三昧聖體諸毛一一毛

孔各出江河沙等光明威曜盡照東方諸佛



世界靡不周至南西北方四隅上下亦復如是盡照諸界徧無遺漏所照十方諸佛國土應時諸土一切地獄勤苦拷掠悉爲休息畜生解脫餓鬼得安時諸衆生諸患消除不爲姪怒愚癡所惑而無瑕穢塵勞之難慈心相向共相瞻視如父如母如兄如弟如子如身

無異如來究明照諸菩薩諸菩薩衆承佛威神光曜之中說此頌曰

精進力無量

廣普所無任

又以精勤力

越度億載劫

十力功流布

普達於十方

釋迦文威光

廣照於一切

其欲求法宜

故往百千土

禮佛聽尊法

而至忍世界

其在兜率天

十方諸菩薩

斯等察此炁

佛演安衆生

魔塵異學衆

降此精進力

如蓮華出日

須彌照十方

其身曜無底

暉普於一切

詣彼聽尊法

最勝轉法輪

今日無等倫

頌宣無比經

十力愍衆生

故轉尊法輪

今日衆集會

廣普難可遇

篤信欲見佛

今當詣忍土

尔時炁明普告十方諸佛國土說斯頌已動

諸佛國安於衆生曜諸法界淨除一切塵勞

之境滅衆幽冥弊魔宮殿與諸菩薩無數眷

屬還迴忍土在佛頭上忽然不現于時東方

無量功德寶福普辭世界其佛号離垢淨



光海華無斷光言王如來佛土有菩薩名  
首藏華諸法自在彼光所請與十江河沙等  
諸菩薩衆會眷屬圍遶忽沒彼土須臾之頃  
至此忍界詣寶高座任世尊前稽首足下遶  
佛万匝兩夜光珠衆寶瓔珞供養散佛以頌  
讚曰

十力功勳髮

皆達於十方

嗟歎無等倫

德祚度彼岸

我等所詣土

欲聽經法故

一切聞名稱

釋師子之号

世尊爲平等

離垢光普曜

如諸法無本

亦無有瞋恨

見光曜衆生

輒令得解脫

爲諸法之王

如幻師善學

時諸菩薩無央數衆嗟歎佛已各神足力悉

化作座而坐其上南方佛辯世  
界無量德寶辯如來佛土有  
菩薩名寶柱與十江河沙等  
諸菩薩俱眷屬圍遶在於彼  
土忽然不現須臾之頃至此  
忍界詣寶高座住於佛前以  
白珠交露覆蓋佛上稽首足  
下遶佛万匝以頌讚曰

世尊悉周徧

愍雨於衆生

開闢光明燄

以空無吾我

以八平正路

消竭塵欲渙

寂秘諸樹王

長育清白珠

則以智慧光

化滅陰冥母

夢久寐衆生

溺沒終始流

爲顯示正路

消竭恩愛池

令逮清淨眼

使度如前勝

時無數菩薩頌讚佛已各神足化變作其座



皆自處上於時西方照曜世界普明如來至  
真佛土彼有菩薩名顯音契王與十江河沙  
等諸菩薩俱眷屬圍遶在於彼土忽然不現  
須臾之頃至此忍界詣寶高座任於佛前雨  
瑛真珠供養世尊稽首足下遶佛万帀以讚  
頌曰  
其聖體之行  
猶如虛空界

所願悉清淨  
劫數無有量  
其身淨無垢  
永無有衆漏  
能周於十方  
無思議佛土  
所講如時雨  
雷震梵妙音  
悅可群萌類  
應如志所慕  
其心無所行  
亦無有不  
所演暢諸音  
出應衆生心  
時無數菩薩頌讚佛已各神足化變作其座

皆自處上於時北方衆寶錦界無量德寶充  
如來佛土彼有菩薩号曰海覺與十江河沙  
等諸菩薩俱眷屬圍遶在於彼土忽然不現  
須臾之頃至忍世世界詣寶高座任於佛前誓  
首足下遶佛万匝以頌讚曰  
體色紫磨金 覺施以寂然  
善照於十方

快普現其身 其體無儔匹  
衆人若觀察  
則滅諸欲塵 欣豫長安隱  
最勝諸學子  
瞻戴世光明 其志咸欣仰  
如須彌頂王  
皆諸神足力 若干種變化  
不能見最勝  
頂上之威相  
時無數菩薩頌讚佛已各各神足化變作其



座皆自處其上於時東南方無憂世界除衆  
疑冥如來佛土有菩薩名普曜與十江河沙  
等諸菩薩俱眷屬圍遶在於彼土忽然不現  
湏臾之頃至此忍界諸寶高座任於佛前誓  
首足下遶佛万帀以寶交露供養上佛以頌  
讚曰

於一毛孔裏

懷無限佛土

衆生不以患

國土不迫迮

最勝救濟行

爲諸無眼目

諸佛爲最妙

諸勝之允明

以一之刹土

暢無數佛國

其諸所顯現

刹土不增減

隨如應方便

大稱隨時入

普入一切變

神足所感動

時無數菩薩頌讚佛已各神足變化作其座

皆自處上於時西南方善觀照世界大哀觀  
衆生如來佛土有菩薩名思於大哀與十江  
河沙等諸菩薩俱眷屬圍遶在於彼土忽然  
不現須臾之頃至此忍界詣寶高座住於佛  
前雨妙衣服供養於佛誓首足下遶百千而  
以頌讚曰  
禁戒甚清淨  
人尊如寶珠

長夜自將護

如犛牛愛尾

見於毀禁者

加之以愍哀

不自歎己身

不訾毀他人

住如須彌山

意定不可動

智慧如江海

尊超於神靈

已度一切有

有爲縛刑獄

化億載衆生

療其塵勞病

時無數菩薩頌讚佛已各神足化變作其座



皆自處上於時西北方離暗冥世界光淨王  
如來佛土有菩薩名光曜網與十江河沙等  
諸菩薩俱眷屬圍遶在於彼土忽然不現須  
臾之頃至此忍界詣寶高座住於佛前以寶  
瓔珞之具用覆佛上誓首足下遶百千帀以  
頌讚曰  
身覺了生死  
猶如幻師化

示現所感動

如幻無所有

假如幻師化

衆生皆如茲

其界不可得

衆生無自然

如人卧寐夢

覩見若干形

寤則無所見

諸色想無爲

聖說法如寢

有爲從念生

見有所退轉

不退不迴還

時無數菩薩頌讚佛已各神足化變作其座

皆自處上於時東北方住淨離垢世界空城  
離垢心如來佛土有菩薩名覺無底離垢與  
十江河沙等諸菩薩俱眷屬圍遶在於彼土  
忽然不現須臾之頃至此忍界詣寶高座任  
於佛前以常鼓音交露覆蓋佛上稽首足下  
遶百千匝以頌讚曰  
明識深妙法

等解在自然 省察諸空相 一切諸所生  
普知一切世 衆生心所趣 其心如虛空  
清淨慧無底 群黎之所行 三世諸馳逸

一心一時行 悉知諸所有 無有衆生想  
其心諦離念 已除衆妄想 善權普平等  
時無數菩薩頌讚佛已各神足化變作其座



皆自處上於時下方照明世界青蓮首如來  
佛土有菩薩名曰辯嚴與十江河沙等諸菩  
薩俱眷屬圍遶在於彼土忽然不現須臾之  
頃至此忍界詣寶高座住於佛前以明珠交  
露共覆佛上稽首足下遶百千帀以頌讚曰  
如億載佛土 其中所有塵 安住諸子孫

來詣於最勝 各欲自啓問 無數億千劫  
則以一文字 意化於一切 聖慧不可喻  
權智無等倫 揔持定無量 功德無崖底  
洪動無能限 頌宣無數劫 毛孔所咨嗟  
不可盡究竟 時無數菩薩頌讚佛已各神足化變作其座

皆自處上於時上方莊嚴世界名稱如來佛  
土有菩薩名諸法變王與十江河沙等諸菩  
薩俱眷屬圍遶在於彼土忽然不現須臾之  
頃至此忍界詣寶高座住於佛前一切莊嚴  
衆寶紫金交露之帳覆蓋佛上稽首足下遶  
百千帀以頌讚曰  
一切安住業

今顯無崖底

於心得自在

導師行亦然

獨諸佛所知

非衆生所行

如空無邊際

群庶本如此

其行無儔匹

今日顯無底

成佛轉法輪

導師滅度如

猶若有所種

法不失果實

十方諸最勝

不可稱限量

時無數菩薩頌讚佛已於虛空中各神足化



變作其座皆自處上

大哀經歎會品第二

彼時須臾之間十方菩薩悉會面現其菩薩  
衆不可稱限無能計會億百千數莫能稱載  
光明所勸集於忍界詣寶高座任世尊前時  
佛宴然從定意與其明晃照自然音出其自  
然音普告三千大千世界令聞其教于時佛  
土信不信者已爲應器比丘比丘及童男童  
女人與非人天龍鬼神捷沓和阿湏倫迦留  
羅真陀羅摩睺勒聞佛音詔身心坦然加敬  
悚息承佛威神自然而有妙寶宮殿悉共趣  
之須臾之間至寶高座稽首佛足遶聖三匝

各就牀榻又此光音告勅梵天梵忍天王梵  
身天王梵滿天王梵度著天王大梵天王光  
曜天少光天無量光天光音天淨嚴天少淨  
天無量淨天難還天淨身天用果天無健天  
於是天善施天善所施天一善天如瞬之頃  
集寶高座稽首足下遶佛七帀不處地上自  
處其座於時世尊覩見大衆僉然來會有神  
光曜名曰顯現諸菩薩力眉間演出於此光明  
遶諸菩薩七帀竟已於諸菩薩頂上而沒時  
有菩薩名首藏華諸法自在遇此光曜應時  
速得一切莊嚴定意適三昧已其寶高座自  
然爲佛有師子座高八十億姪百千之尋妙



寶為足眾珍欄楯妙衣敷上一切諸華以散  
其上悅意諸寶以為嚴飾一切菩薩觀此緣  
變斷絕所慕皆令眾會自覩其明可悅一切  
眾生現其心意所欲求願尋時皆了無有猶  
豫時首藏華諸法自在菩薩復以讚歎施諸  
惡趣三昧正受別化如來大師子座庠序安  
隱從三昧起恭恪欽敬又其十指以頌讚佛  
其日光明者但照世俗耳天帝威神德  
營從樂忉利其梵天尊王慕戀梵天上  
佛之聖威化變動界若此觀察法自由  
自然如虛空若幻野馬比亦如水中月  
諸所作所遭悉為無有主曉了如誑詐

見衆生清淨

其心慕於色

斯色何所在

其心為自然

所由皆不實

一切雖清淨

此亦如幻化

其於自然者

虛偽何有處

能分別本淨

執御心鮮潔

其境從容來

彼無有塵欲

思想念諸念

其心已脫此

則見若干種

幻化之所為

虛空無所有

從地而出生

顯示國土地

若干明珠寶

向者為法王

建立師子座

當處於此座

開化億衆生

跏趺立繒幡蓋

大幢諸嚴飾

此無所從來

亦無所越至

若能曉諸法

無所從來者

便能為衆生

現諸勝變化

大聖梵音聲

所演善哉使

為世巨錠燎



威神德無極

愍傷吾之故

當昇處高座

講說於經典

斷生老病死

其清淨衆生

十方來會此

各各次第坐

欲聽愍法誼

本所因發舉

願解於此慧

聖在師子座

安詳頒宣法

於是世尊見首藏華諸法自在菩薩志性清

淨即便處於大清淨法師子之座尋時講說

諸菩薩行當所立趣又有經典名無蓋門淨

菩薩道諸佛法力成就寶身聖明屋宅於一

切法而得自在入揔持中分別解說剖判入

門大神通慧入於微妙不退轉輪無能迴還

導御一切諸定意乘入於一乘無毀法界說

衆生性根原所趣爲之唱導解發諸法毀壞  
諸魔入應真法去諸塵勞六十二見開化當  
入柔順之法令諸愛欲邪見我慢入無礙慧  
勸助衆德普無不接頒宣權慧皆入一切佛  
平等聖悉無陰蔽無處所門所宣諸法分別  
如議入於諸法無念不念無應不應覺了深  
妙十二緣起聖慧功勳乃達魔天佛身口意  
皆令莊嚴所念志趣智慧明達而不可盡入  
于聖諦開化聲聞曉心所歸緣覺之律普得  
一切諸慧境界諸菩薩律一切所入於法自  
在頒宣如來功勳名稱時佛講說如是比像  
無極法典說是語時教化告勅諸菩薩德所



願至誠悉已具足示現如來變化感動解諸  
衆會狐疑結網降攝一切諸魔之境先顯如  
來訓誨之議備佛大業欲使具足是故世尊  
處師子座宣無蓋門於時寶幢菩薩承佛聖  
旨用佛莊嚴三昧正受令普衆會致佛莊嚴  
建立威神時名聞力菩薩承佛聖旨用紅蓮  
華三昧正受建立衆會一切諸華合成法華  
以此衆華散於世尊一切菩薩三昧海菩薩  
承佛聖旨以衆香定三昧正受使諸毛孔建  
立演出妙味栴檀四明網菩薩承佛聖旨以  
炷明定三昧正受令一切炷建立衆會靡不蒙  
安五大哀念菩薩承佛聖旨以無瞬定三昧正

受建立衆會瞻戴如來目不敢瞬六離垢察  
無底菩薩承佛聖言以法悅定三昧正受建  
立衆會慕樂正法好法志法樂以法樂七辯  
嚴菩薩承佛聖言以顯跡定三昧正受建立  
衆會皆令蠲除五蓋之患八變諸法王菩薩  
承佛聖言以無忽忘三昧正受建立衆會志  
在佛道慕如來行九心勇菩薩承佛聖言建  
立衆會使伏諸魔及外怨害靡不從化十降  
諸魔菩薩承佛聖言以毀魔場三昧正受適  
三昧已應時三千大千世界所有衆魔其數  
百億及諸魔兵速疾速疾各從宮殿忽然不  
現詣寶高座任於佛前稽首足下遶於世尊



無央數帀不可稱計竒異妙物供養大聖恭  
敬悚息一心叉手勸助天師頒宣經典惟願  
以時開化說教吾身今日降魔菩薩威神所  
建故來勸助惟天中天吾當放捨所作魔事  
不亂衆生今以法故來至於斯由是大聖當  
察吾身志操所趣於時世尊察魔心念讚曰  
善哉善哉諸仁者等汝黨乃能放捨魔事勸  
助如來今說經法緣是之故汝等之身因此  
獲報皆當越度一切魔業所以者何猶百千  
歲屋室闇冥一燈入中尋即消昧如是諸仁  
於百千劫興發塵勞闇冥之欲一善本心力  
之所變消滅衆患令無有餘譬如諸仁一日

之宮一月之殿一大寶珠一一各出光明之  
曜消除眾冥如是諸仁一心善本觀其修行  
而念應順皆除一切無明眾冥六十二見九  
十六逕眾患之難以是之故今日諸仁覲見  
如來加復勸助因此德本稍漸蠲除一切無  
慧愚癡之冥當獲無極道法之門

# 大哀經卷第一

發

捷沓

下唐合反

蠲除

上俱玄反亦除也

柔爽

下軟字

靡

反苗

也

開闔

下為委反亦開也

洪池

上他典反濁也

誼

音義理也

毀訾

下音紫

戶牖

下音酉也

欄楯

下時尹反

楹

橫也

也

楯

垣障

上音闕也

錠鐐

正作庭燎

上徒丁反

燭於外

照



於內也  
繒蓋  
上自陵  
聖塗  
上烏各反  
孩  
反古  
數哀

名也  
璨麗  
上倉案反  
正作  
峻  
反私  
閭  
徑踪  
反上  
古反  
定數

字倫匹  
字下疋  
四隅  
下音愚  
拷掠  
略二字  
打音考  
瑕  
跡定

穢  
上音霞  
過惡也  
弊魔  
上毗祭反  
寐  
密二反  
溺  
反音的  
奴


反瑛  
音英  
疇匹  
上直流反  
迫迮  
二字音  
寤  
音音

崖底  
上音也  
宴然  
於見反  
晃照  
反上  
明也  
悚息  
息上

勇牀榻  
上音床  
字  
瞬  
音舜  
目  
僉然  
反上  
皆也  
庠序

上音  
恭恪  
下音各反  
峙立  
上直里反  
剖判  
反上  
開也

狐疑  
多疑故曰  
豕也  
志操  
到下反  
疑音胡曰豕也



猪飼順良寄附



